



Broj: 66/9-04/23

Datum: 03.04.2023.godine

**VIJEĆE MINISTARA BIH**  
**n/r gđa. Borjana Krišto, predsjedavajuća**

**MINISTARSTVO FINANCIJA I TREZORA BIH**  
**n/r gđin. Zoran Tegeltija, ministar**

**PREDMET: Izmjena Zakona o izmjenama Zakona o plaćama i naknadama u institucijama Bosne i Hercegovine (Službeni glasnik BiH, broj 59/22), traži se**

Poštovana/i,

na osnovu članka IV. 4. a) Ustava Bosne i Hercegovine, Parlamentarna skupština Bosne i Hercegovine je na 27. sjednici Predstavničkog doma, održanoj 9.3.2022. godine, i na 25. sjednici Doma naroda, održanoj 29.8.2022. godine, usvojila Zakon o izmjenama Zakona o plaćama i naknadama u institucijama Bosne i Hercegovine, a koji je objavljen u Službenom glasniku BiH broj 59/22 od 2.9.2022. godine sa početkom primjene od 10.mjeseca 2022. godine.

Ovim Zakonom izmjenjeni su članovi 9, 11, 14, 18, 22 i 24 Zakona o plaćama i naknadama u institucijama Bosne i Hercegovine ("Službeni glasnik BiH", br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18, 32/20 i 65/20) na način da su povećani koeficijenti platnih razreda u visini 0,2 za određene kategorije državnih službenika, od pozicije stručni saradnik do stručni savjetnik i sve zaposlenike (uključujući i pozicije: vojnik do brigadir za djelatne vojne osobe, policajac do viši inspektor za policijske službenike), sa obrazloženjem da bi se u određenoj mjeri ublažile negativne posljedice inflacije kada je u pitanju realno smanjenje dohotka i kako bi se poboljšao materijalni status zaposlenih u institucijama BiH.

Iako je Sindikat podržao navedene izmjene Zakona smatramo da iste treba proširiti i na ostale kategorije državnih službenika koji su neopravdano ostali bez ovog povećanja plaća. Gledano sa pozicija zaposlenih u UINO ukazujemo da ne postoji razlika između državnih službenika: od stručnog suradnika do stručnog savjetnika u odnosu na šefove grupa i odsjeka u UINO. Svi gore navedeni su zaposleni u UINO, svi obavljaju poslove i radne zadatke sistematizovanih radnih mjesta državnih službenika, imaju jasno propisane poslove, samim tim imaju jednaka i prava iz radog odnosa. Svi su na radna mjesta primljeni putem javnih oglasa, objavljenih i provođenih u organizaciji Agencije za državnu službu BiH ili po rješenju Direktora UINO, dakle, svi imaju rješenja za radna mjesta na koja su raspoređeni: nisu imenovani niti izabrani na mandat državni službenici.

Dakle, ne postoji razlika između državnih službenika a ovo postupanje zakonodavnih tijela i Vijeća ministara BiH smatrali smo prvom fazom u rješavanju korekcije koeficijenata radi ublažavanja posljedica inflacije, nikako konačnim rješenjem.

Trenutna situacija ovog "djelimičnog rješenja" povećanja koeficijenata stvara nepravilan razmjer primanja na nepsredno višoj poziciji, pri čemu stručni savjetnici UINO sa dodatkom od 20% na ovlaštenja imaju veća primanja od šefova grupa, pa čak i šefova odsjeka (bez ovlaštenja) u UINO?!

Ova izmjena Zakona o izmjenama Zakona o plaćama i naknadama proizvela je takvu situaciju u kojoj je ugroženo pravo na povećanu naknadu rukovodećih državnih službenika, u odnosu na ostale državne

službenike, iako su po svim ostalim uvjetima, kako prijema tako i rada u državnoj službi: izjednačeni, samim tim zaslužuju jednak odnos i kada je u pitanju korekcija koeficijenata. *Isključivanjem jedne kategorije zaposlenih u institucijama BiH iz odredbi o povećanju koeficijenata platnih razreda smatramo nezakonitim.*

Pohvalna je briga Vijeća ministara BiH i Parlamentarne skupštine BiH o materijalnom statusu državnih službenika i zaposlenika u institucijama BiH, ali određene odluke, pogotovu one koje se odnose na povećanje plaća ili izmjene koeficijenata platnih razreda moraju biti primjenjive za sve državne službenike, a ne samo na određenu skupinu zaposlenih u institucijama BiH, pa makar to bila kategorija najnižih radnih mjesta. Podsjećamo, negativne posljedice inflacije osjećaju svi zaposleni, svi trebaju biti uključeni i u mjere njezinog ublažavanja i prevazilažena.

S tim u vezi od Vas tražimo da u istu razinu dovedete sve državne službenike, sa uvećanjem platnog koeficijenta za 0,2, jer formalno pravno nema razlike između državnih službenika: stručni saradnik, viši stručni saradnik, stručni savjetnik, šef grupe, šef odsjeka..., u UINO. Nadajući se da ćete ovom našem zahtjevu čim prije udovoljiti Sindikat UINO se unaprijed zahvaljuje.

S poštovanjem,



**Predsjednica Sindikata UNO**

*Ana Mrnjavac*

**Dostavljeno:**

- Naslovu ( x 2 ),
- Upravni odbor UINO BIH,
- Uprava za indirektno-neizravno oporezivanje BiH, Kabinet direktora,
- a/a.